



**Quæstionum Canonicarum, In Quinque Libros
Decretalium, Tomus ...**

In Librum I. Decretrialium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus I. Quid sit Judex delegatus?

[urn:nbn:de:hbz:466:1-73031](#)

ipsum exercere , juxta Abbatem in c. irrefragibili , 13. de Offic. Ordin. n. 2. secunda tamen esse Jure novo Trid. de quo supra n. 2326. potest autem Sede Vacante constitutere etiam plures Vicarios , aequè principales, saltem ubi amplitudo diecesis id exigit , quantum est vi Juris communis , ut colligitur ex c. unico de Cleric. agrotant. ibi : unum, vel duos ; & notat Quaranta cit. n. 9. quamvis ex Tridentino constitui debeat tantum unus, nisi aliud habeat consuetudo legitima. Est autem Vicarius Capituli constituendus non tantum Episcopo mortuo ; sed etiam , si Episcopus in partibus remotis degat , ac ejus Vicarius defecisset ; item quando Sedes quasi vacat , quod contingit , cum Episcopus est in captivitate , ut dicitur c. si Episcopus , de Supplend. neglig. Prælat. Cæterum , quando eligitur Vicarius à Capitulo , non est de necessitate , ut servetur electionis forma , iure communi præscripta in c. quia propter , de elect. de quo supr. Nam tales Vicarij sunt solum temporales , ut notat Garcia de Beneficijs p. 2. c. 7. n. 22.

Not. 3. quamvis Vicarius Capituli possit ea , quoad Jurisdictionem , quæ potest Episcopus (nisi vel à Pontifice , vel à Capitulo in aliquibus restringatur) consequenter possit excommunicare , interdicere , suspendere (nam Jurisdictione Episcopalis eo casu quoad exercitium ad eum spectat , ut

dicitur cit. c. unic. & notat. (Suárez de Censur. D. 7. S. 3. n. 10.) id tamen non procedere , ut ipsum etiam Capitulum valeat excommunicare &c. sic enim & ipse excommunicatus foret , cum ejus potestas sit dependens ab illo ; & ratio est ex num. 2325. causas tamen , Vicario Episcopi delegatas , non potest cognoscere ; quia non succedit Episcopo , vel ejus Vicario in Jurisdictione delegata , sicut nec ipsum Capitulum ; sed tantum , in Ordinaria , Jure Ordinario competente.

Not. 4. quod Vicarius à Capitulo Sede vacante constitutus , & confirmatus etiam ad certum tempus , ante illius lapsum ex causa rationabili revocari possit , ut notat Joannes Andreas in c. penult. h.t. in 6. n. 15. arg. c. fin. de Precar. L. Judicum 58. ff. de Judic. Dixi ex causa rationabili ; quia , si merè pro libitu revocari possit , multum obest rectæ administrationi Justitiae inter particulares Canonicos , & alios ab ipsis dependentes , ut bene observat Quaranta cit. n. 2. Q. Tertio dubitatur : potestas demum Vicarij Capitularis exspirat dato novo Episcopo ; cum etiam exspiret in Capitulo , quod intellige , ubi novus Episcopus confirmatus possessionem Episcopatus accepit ; quia tunc Episcopalis Sedes non amplius vacat ; & huic ab illo ratione gestæ administrationis exige-
re licet.

QUESTIO XXIX.

IN TIT. XXIX. DE OFFICIO, ET POTESTATE JUDICIS DELEGATI.

HAec tenus dictum est de Officio , & potestate personarum Ecclesiasticarum , respiciente tractationem divinorum , ac eorum , quæ sunt Jurisdictionis voluntariæ ; nunc agendum est de illis Ministris , qui assumuntur ad ea , quæ sunt Jurisdictionis contentiose , quæ respicit actus Judiciales externos. Not. autem potestatem & officium in eo differre , quod potestas sit ipsa vis , & virtus , aliquid faciendi ; exercitium autem ejus , seu actus secundus , nomine Officij significetur ; de quo plura videri possunt apud Pereyram in Elucidario n. 291. in fin. & n. 1305. quibus positis.

ARTICULUS I.

Quid sit Judex delegatus ?

Pro resolutione supponendum 1. quod verbum *Judex* , in tota sua latitudine , comprehendat omnes *jus dicentes* , cuiuscunque dignitatis sint , ut Praesides , Proconsules , Rectores Provinciarum , & alios similes : dicitur enim (ut ait Sylvester V. eodem) quasi *jus dicens populo* , sive quod jure discepit , id est , justè judicet . c. forus , Q. in omni , de Verb. signif. Unde *Judex* est is , qui Jure potest justum cuique decernere , & reddere. Ut Judicium scrute-
mur

Uuu 3

mur multiplicitatem, Judex in genere est tripes, quamvis sub tribus speciebus, seu membris varios contineat. Nam Judex quidam est *Ordinarius*; quidam, *extraordinarius*.

2333. Supponendum 2. *Ordinarium* esse, qui potestate ordinaria præficitur à Principe alicui Collegio, vel Universitati, ad universitatem causarum; *extraordinarius* est, qui habens potestatem delegatam, non præficitur alicui Universitati, vel Collegio; & est duplex, alter habens Jurisdictionem, ex partium voluntate, & dicitur *arbiter*, alio nomine *compromissarius*; alter ex *commissione Superioris*, ut delegatus ad certam causam, vel subdelegatus, cui nempe delegatus potestatem subdelegavit.

2334. Supponendum 3. *Jurisdictionem* esse speciem potestatis, & apud Sylvestrum V. eodem, dici quasi *Jurisdictionem*, à Jure dicendo, & juxta Hervæum sic describi: *Jurisdictio est, qua præsidens alicui Reipublicæ, potest dicere jus, statuendo, sententiando, vel cum obligatione subditorum ad habendum id, quod dicitur, pro iusto.* Brevius & clarius Azonus sic definit (*Jurisdictio est potestas, de publico introducta, cum necessitate Juris dicendi, vel aequitatis statuenda.*

2335. Supponendum 4. *Jurisdictionem* in genere vel esse ordinariam, vel delegatam. *Ordinaria*, ut ex verbis Modestini, & Ulpiani colligitur, residere dicitur in illo, apud quem legis actio est, & potest defini ri potestas publica, qua alicui ex proprio munere, vel officio competit. Delegata est illa, qua ex speciali alicuius *Superioris mandato* convenit. *Jurisdictio* item alia voluntaria, alia contentiosa dicitur. *Voluntaria*, solum inter volentes locum habet, eaque explicantur emancipationes, manumissiones, & adoptiones, qua Magistratus authoritate, etiam extra territorium, & quocunque loco, recte sunt, l. 2. ff. de Offic: Procons: ex quo textu etiam desumitur, quid sit *contentiosa*: hæc enim est illa, qua in invitox, aut præsentex, aut, si per contumaciam desint, etiam in absentes exercetur.

2336. Cùm igitur *delegare*, in genere nihil aliud significet, quam alterum in locum suum substituere, sive vices suas alteri committere; sequitur, quòd *Judex delegatus* (qui etiam vocatur *Commissarius*, &

Judex extraordinarius, c. de cætero, de Transact. V. extraordinarium, junct. gloss.) sit *Judex*, qui *Jurisdictionem* haber contentiosam non jure suo, sed ab alio sibi mandatam, eam alieno nomine exercens; sic Deselius h. t. q. 1.

Ex hoc colliges 1. *Judicem delegatum* 2337, ex hoc differre ab *Ordinario*, quòd hic *jure*, & nomine suo *Jurisdictionem* contentiosam exerceat, tanquam annexam muneri suo L. 5. ff. de *Jurisdict. omn. Jud.* junct. gloss. V. suo jure. Colliges 2. quòd quis dupliciter habere possit *Jurisdictionem*, sibi mandatam ab alio; 1. à *jure*; & sic dicitur *delegatus à jure*; 2. ab *homine*, propriam, & *Ordinariam Jurisdictionem* habente, & sic differt ab arbitro, qui suam *Jurisdictionem* habet à partibus in eum complicitibus, jure, seu lege id approbante, vel concedente. Colliges 3. *Judicem delegatum Jurisdictionem exercere nomine, & auctoritate delegantis*, c. sanè h. t. quo differt ab eo, cui committitur nudum ministerium, seu executio sine causæ cognitione, & propriè vocantur *Auditores* seu *Executores*; Barbosa h. t. in Princip. n. 12. Colliges 4. cum, cui habens *Jurisdictionem* ordinariam, hanc committit immediatè, vocari *delegatum*; cui mediatè: vocari *subdelegatum*; ubi notwithstanding, *Jurisdictionem delegati*, non esse eandem numero cum *Jurisdictione delegantis*, sed distinctam; cùm in delegato non constituantur translatione illius à delegante, sed productione, non physica, sed morali; ex hoc differt à *Jurisdictione Episcopalis Vicarij*, qui cum Episcopo habet eandem *Jurisdictionem*, non distinctam. Et ideo à delegato appellari potest ad delegantem, L. 1. §. qui mandatam, ff. de *Officio ejus*, cui mandata est *Jurisdictio*; à subdelegato autem appellatur ad delegantem, quando non tota causa est illi commissa; Barb. cit. n. 7. non autem à Vicario Episcopi ad Episcopum, ut constat ex dictis.

ARTICULUS II.

Quotuplex sit *Judex delegatus*?

E X dictis constat, alium esse delegatum à *Jure*; alium ab *homine*; ex his sunt alij, qui delegantur à *Summo Pon-* 2338 *tifice*;